

國立成功大學
110學年度碩士班招生考試試題

編 號：12

系 所：中國文學系

科 目：古典文獻解讀

日 期：0202

節 次：第 4 節

備 註：不可使用計算機

編號： 12

國立成功大學110學年度碩士班招生考試試題

系 所：中國文學系

考試科目：古典文獻解讀

考試日期：0202，節次：4

第 / 頁，共 2 頁

※ 考生請注意：本試題不可使用計算機。請於答案卷(卡)作答，於本試題紙上作答者，不予計分。

一、請將以下文字，加上新式標點重新抄錄原文，並闡述、解析文末對《尚書》
《春秋》之評述。25%

詩主言志詰訓同書摘風裁興藻辭矯喻溫柔在誦故最附深衷矣禮以立體據事削範
章條織曲一字見義五石六鷁以詳略成文雉門兩觀以先後顯旨其婉章志晦諒以遠
矣尚書則覽文如詭而尋理即暢春秋則觀辭立曉而訪義方隱

二、請用白話文翻譯兩段畫線處。並以文言續寫一段對此敘事之評論作結（約
60-100字）。25%

景城有姜三莽者勇而慧一日聞人說宋定伯賣鬼得錢事大喜曰吾今乃知鬼可縛如
每夜縛一鬼啞使變羊曉而牽賣於屠市足供一日酒肉資矣於是夜夜荷挺執繩潛行
墟墓間如獵者之伺狐兔竟不能遇即素稱有鬼之處佯醉寢以誘致之亦寂然無睹二
夕隔林見數磷火踴躍奔赴未至間已星散去懊恨而返如是月餘無所得乃止

三、請將以下詩中的入聲字選起並抄錄於答案卷上，並扼要說明此詩詩意要旨。
(25%)

〈秋日謁延平郡王祠〉許南英

八月清秋秋皎潔，白帝初除三伏熱。赤嵌幾處有專祠？獨拜有明鄭忠節！忠節起
自閩南安，彬彬儒服亦儒冠。軸覆樞翻明鼎革，慨然我獨為其難！干戈滿地降旗
遍，甲馬樓船拚轉戰。蒼穹有意眷孤忠，大海忽將荒島見。茫茫瘴雨雜蠻煙，橫
海將軍氣萬千。北望已無明社稷，東來獨辟古山川。一鼓荷蘭戰則克，寓兵于農
教稼穡。惟公具有大經綸，知道足兵失足食。幾回旗鼓出鯤身，恢復中原志不伸。
紀島火光銷烈焰，天教海外死孤臣！回天只手嗟無術，天命有歸神州一。二百余
年隸版圖，英雄心事如天日。御災捍患護臺陽，野老春秋奉瓣香。一自聖恩崇祀
典，從來潛德有幽光。

※ 考生請注意：本試題不可使用計算機。請於答案卷(卡)作答，於本試題紙上作答者，不予計分。

四、請將以下文字，重新標點並抄錄原文。再以百字左右文字述說此段文字要旨。
(25%)

韓愈：〈送孟東野序〉

大凡物不得其平則鳴草木之無聲風撓之鳴水之無聲風蕩之鳴其躍也或激之其趨也或梗之其滯也或炙之金石之無聲或擊之鳴人之於言也亦然有不得已者而後言其歌也有思其哭也有懷凡出乎口而為聲者其皆有弗平者乎樂也者鬱於中而泄於外者也擇其善鳴者而假之鳴金石絲竹匏土草木八者物之善鳴者也維天之於時也亦然擇其善鳴者而假之鳴是故以鳥鳴春以雷鳴夏以蟲鳴秋以風鳴冬四時之相推斂其必有不得其平者乎其於人也亦然人聲之精者為言文辭之於言又其精也尤擇其善鳴者而假之鳴其在唐虞咎陶禹其善鳴者也而假以鳴變弗能以文辭鳴又自假於韶以鳴夏之時五子以其歌鳴伊尹鳴殷周公鳴周凡載於詩書六藝皆鳴之善者也周之衰孔子之徒鳴之其聲大而遠傳曰天將以夫子為木鐸其弗信矣乎其末也莊周以其荒唐之辭鳴楚大國也其亡也以屈原鳴臧孫辰孟軻荀卿以道鳴者也楊朱墨翟管夷吾晏嬰老聃申不害韓非魯到田駢鄒衍屍佼孫武張儀蘇秦之屬皆以其術鳴秦之興李斯鳴之漢之時司馬遷相如揚雄最其善鳴者也其下魏晉氏鳴者不及於古然亦未嘗絕也就其善鳴者其聲清以浮其節數以急其詞淫以哀其志弛以肆其為言也亂雜而無章將天醜其德莫之顧耶何為乎不鳴其善鳴者也